

La Biblioteca digitala da la Svizra orientala ha success

■ (cp) **Las purschidas digitalas han fitgà pe en las bibliotecas e sa legran d'in interess creschent. La Biblioteca digitala da la Svizra orientala è il meglier exempel per quai. Dapi ch'ella è vegnida lantschada l'onn 2008 è vegnidas emprestadas gia passa 100 000 medias electronicas.** Cun in'emna d'acziun dals 5 fin ils 10 da november 2012 rendan las 20 bibliotecas partenarias attent a lur purschidas.

La Biblioteca digitala da la Svizra orientala cun 20 bibliotecas partenarias da tut la Svizra orientala e dal Principadi da Liechtenstein sa fa valair sco purschida digitala da biblioteca la pli impurtanta da la Svizra – tant areguard l'intschess cun var in milliun abitants ed abitants sco er areguard il dumber da medias che stattan a disposiziun, numnadamain 20 000. Encuraschadas da las experientschas positivas planischan uss er ulteriuras bibliotecas da la Svizra tudestga da sa participar al

mund digital, tranter quellas las tschintg bibliotecas da citad grondas da Basilea, da Berna, da Lucerna, da Winterthur e da Turitg.

Ilis e-readers èn sa fatgs valair

Il success creschent da la purschida dependa dal success dals e-book-readers e dals computers da tablet. Ils affars da Nadal da l'onn passà èn stads caracterisads da quests apparats da leger novs e dapi lura scuntran ins adina pli savens glied che tegna en maun in apparat da leger digital empè d'in cudesch u d'ina gasetta. La biblioteca digitala da la Svizra orientala pussibilitescha l'access segir e legal als cuntegns respectivs: belletristica, cudeschs tematics u revistas. Ella metta però er a disposiziun numerus cudeschs auditivs e videos.

Uniun d'emprest online la pli veglia

La Biblioteca digitala da la Svizra

orientala ha lantschà sia activitad ils 14 da matg 2008 sco emprima purschida da l'uschenumnada «Onleihe» en Europa. Il model d'organisaziun è sa cumprovà ed è vegnì copià bleras giadas perquai ch'el stgaffescha sinergias cun metter a disposiziun ina purschida blier pli gronda e cun realisar respargns tar l'assistenza tecnica.

Emna d'acziun cun concorrenza

Dals 5 als 10 da november 2012 presentan las bibliotecas lur purschida digitala en il rom d'ina emna d'acziun. Durant quests dis decleran las collavuraturas ed ils collavuratur da las bibliotecas a tut las personas interessadas co che la Biblioteca digitala da la Svizra orientala funcziuna. En il rom d'ina concorrenza vegnan ultra da quai tratgs 30 e-book-readers.

Ulteriuras infurmaziuns sut:
www.dibios.ch u www.dibios.li